

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
OPĆINSKI SUD U BUGOJNU  
Broj : 46 0 I 100824 21 I  
Bugojno, 16.03.2022. godine

OPĆINSKI SUD U BUGOJNU, sudija Lejla Nurikić, u izvršnom postupku tražioca izvršenja Kanton Sarajevo, zastupan po Pravobranilaštvu Kantona Sarajevo, protiv izvršenika Šadi Ašiš iz D.Vakufa, Prusac bb, radi izvršenja na pokretnim stvarima, v.sp. 100,00 KM, dana 16.03.2022. godine sljedeće:

### **ZAKLJUČAK O PRODAJI**

1. Određuje se prva prodaja pokretnih stvari izvršenika:

-AUDI A 6, BOJA METALIK SIVA, REG.OZNAKA T78-K-637,  
UTVRĐENE VRIJEDNOSTI 15.000,00 KM

i to putem usmenog javnog nadmetanja na dan 19.04.2022. godine, u 09:00 sati u zgradi Općinskog suda u Bugojnu, soba broj 22.

2. Konstatuje se da je vrijednost pokretnih stvari iz tačke 1. ovog zaključka utvrđena na temelju procjene sudskog izvršitelja u iznosu od 15.000,00 KM.
3. Najniža prihvatljiva ponuda po kojoj se predmetna stvar može prodati je 1/2 utvrđene vrijednosti.
4. U javnom nadmetanju kao kupci mogu učestvovati samo osobe koje su prethodno dale osiguranje, koje iznosi 1/10 utvrđene vrijednosti pokretne stvari koja je predmet prodaje, s tim što ne može iznositi više od 10.000,00 KM. Osobe koje sudjeluju u javnom nadmetanju dužne su prije početka ročišta sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br. 1011300000295629, sa naznakom broja predmeta.
5. Ponuđačima čija ponuda ne bude prihvaćena osim za tri najbolja ponuđača, vratit će se osiguranje odmah nakon zaključenja javnog nadmetanja
6. Ponuđač sa najvećom ponudom dužan je platiti cijenu odmah nakon objavljivanja rezultata ročišta za prodaju. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom;
7. U slučaju da ni jedan ponuđač ne plati cijenu, sud će na zahtjev jedne od stranaka, oglasiti da ročište za prodaju nije uspjelo, a stranka može tražiti u roku od 8 dana zakazivanje novog ročišta.
8. Sud će postupak obustaviti ako stranka ne predloži održavanje novog ročišta za prodaju u roku iz tačke 5. ovog zaključka, ili ako se stvari ne uspiju prodati na drugom ročištu ;
9. Ovaj zaključak o prodaji objaviće se na oglasnoj tabli suda, a tražilac izvršenja ga može objaviti i u javnim glasilima, o svome trošku.

Sudija

Lejla Nurikić

#### **Pouka o pravnom lijeku**

Protiv ovog zaključka nije dopušten pravni lijek.